

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2015/983****2018/EES/7/57****frá 24. júní 2015****um málsmeðferð við útgáfu evrópska fagskírteinisins og beitingu viðvörunarkerfisins samkvæmt tilskipun
Evrópuþingsins og ráðsins 2005/36/EB (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2005/36/EB frá 7. september 2005 um viðurkenningu á faglegri menntun og hæfi ⁽¹⁾, einkum 4. gr. a (7. mgr.), 4. gr. b (4. mgr.), 4. gr. e (7. mgr.) og 56. gr. a (8. mgr.),

að höfðu samráði við Evrópsku persónuverndarstofnunina,

og að teknu tilliti til eftirfarandi:

- 1) Málsmeðferðin við útgáfu evrópsks fagskírteinis (e. European Professional Card) og beiting viðvörunarkerfisins sem kveðið er á um í tilskipun 2005/36/EB á að vera studd af upplýsingakerfinu fyrir innri markaðinn (IMI-kerfinu) sem komið var á með reglugerð Evrópuþingsins og ráðsins (ESB) nr. 1024/2012 ⁽²⁾. Því er viðeigandi að reglur um málsmeðferð við útgáfu evrópsks fagskírteinis og um beitingu viðvörunarkerfisins séu settar fram í sömu framkvæmdargerðinni.
- 2) Framkvæmdastjórnin lét fara fram mat, með aðkomu viðkomandi hagsmunaaðila og aðildarríkjanna, á því hversu vel hentaði að taka upp evrópskt fagskírteini fyrir lækna, hjúkrunarfræðinga, lyfjafræðinga, sjúkraþjálfara, fjallaleiðsögumenn, fasteignasala og verkfræðinga. Í kjölfar matsins hefur framkvæmdastjórnin valið fimm starfsgreinar (hjúkrunarfræðinga, lyfjafræðinga, sjúkraþjálfara, fjallaleiðsögumenn og fasteignasala) sem taka ætti upp evrópskt fagskírteini fyrir. Þær starfsgreinar, sem valdar voru, uppfylla kröfur 7. mgr. 4. gr. a í tilskipun 2005/36/EB að því er varðar tölur yfir núverandi eða hugsanlegan hreyfanleika innan starfsgreinarinnar, lögverndun hennar í aðildarríkjunum og hagsmuni sem hlutaðeigandi hagsmunaaðilar hafa lýst yfir. Þörf er á frekara mati í tengslum við innleiðingu evrópsks fagskírteinis fyrir lækna, verkfræðinga, sérmenntaða hjúkrunarfræðinga og sérmenntaða lyfjafræðinga að því er varðar hvort þeir uppfylla skilyrðin sem mælt er fyrir um í 7. mgr. 4. gr. a í tilskipun 2005/36/EB.
- 3) Í samræmi við 12. gr. reglugerðar (ESB) nr. 1024/2012 ætti vefgáttin, sem um getur í 1. mgr. 4. gr. b í tilskipun 2005/36/EB, að vera aðskilin IMI-kerfinu og ætti ekki að heimila utanaðkomandi aðilum aðgang að því. Því er nauðsynlegt að kveða á um ítarlegar reglur um málsmeðferð við framlagningu umsókna um evrópskt fagskírteini í gegnum áður nefnda vefgátt og einnig reglur um móttöku lögbærra yfirvalda á umsóknum um evrópsk fagskírteini í IMI-kerfinu.
- 4) Til að settar kröfur séu gagnsæjar er einnig mikilvægt að tilgreina með hvaða skilyrðum megi fara fram á stuðningsgögn og upplýsingar frá umsækjendum innan ramma málsmeðferðar við útgáfu evrópsks fagskírteinis, með hliðsjón af því hvaða skjala lögbær yfirvöld gistaðildarríkis geta krafist skv. 7. gr., 50. gr. (1. mgr.) og VII. viðauka við tilskipun 2005/36/EB. Því er nauðsynlegt að setja fram skrá yfir skjöl og upplýsingar, þ.m.t. þau skjöl sem lögbær yfirvöld heimaaðildarríkis ættu að gefa út beint, verklagsreglur fyrir lögbær yfirvöld heimaaðildarríkisins til að sannprófa að skjöl, sem lögð eru fram, séu ósvikin og gild og skilyrði fyrir því að heimilt sé að fara fram á staðfest endurrit gagna og þýðingar. Til að greiða fyrir meðferð umsókna um evrópskt fagskírteini er við hæfi að skilgreina hlutverk hvers og eins þeirra aðila sem koma að málsmeðferðinni við útgáfu þess: umsækjenda og lögbærra yfirvalda í heimaaðildarríki og gistaðildarríki, að meðtöldum þeim yfirvöldum sem falið er að úthluta umsóknum um evrópsk fagskírteini.

(*) Þessi ESB-gerð birtist í Stjtið. ESB L 159, 25.6.2015, bls. 27. Hennar var getið í ákvörðun sameiginlegu EES-nefndarinnar nr. 237/2017 frá 15. desember 2017 um breytingu á VII. viðauka (Gagnkvæm viðurkenning á starfsmenntun og hæfi) við EES-samninginn, biður birtingar.

⁽¹⁾ Stjtið. ESB L 255, 30.9.2005, bls. 22.

⁽²⁾ Reglugerð Evrópuþingsins og ráðsins (ESB) nr. 1024/2012 frá 25. október 2012 um samvinnu á sviði stjórnsýslu fyrir tilstilli upplýsingakerfisins fyrir innri markaðinn og niðurfellingu á ákvörðun framkvæmdastjórnarinnar 2008/49/EB („reglugerðin um IMI-upplýsingakerfið“) (Stjtið. ESB L 316, 14.11.2012, bls. 1).

- 5) Í samræmi við 1. mgr. 4. gr. b í tilskipun 2005/36/EB getur heimaaðildarríki einnig heimilað skriflegar umsóknir um evrópskt fagskírteini. Því er nauðsynlegt að ákvarða það skipulag sem lögbært yfirvald heimaaðildarríkisins ætti að hafa til reiðu vegna skriflegra umsókna.
- 6) Til þess að verkflæði IMI-kerfisins gangi óhindrað fyrir sig og án truflana og að vinnsla umsóknar tefjist ekki er nauðsynlegt að gera skýra grein fyrir verklagsreglum vegna greiðslna í tengslum við vinnslu umsóknar um evrópskt fagskírteini. Því er viðeigandi að kveða á um að umsækjandi greiði lögbærum yfirvöldum heimaaðildarríkisins og/eða gístiaðildarríkisins sitt í hvoru lagi og þá aðeins ef viðkomandi lögbær yfirvöld krefjast þess af umsækjanda.
- 7) Til að umsækjandi hafi möguleika á að fá gögn um niðurstöðu málsmeðferðar við útgáfu evrópsks fagskírteinis er nauðsynlegt að tilgreina nánar snið skjalsins sem umsækjandinn mun geta búið til í gegnum vefgáttina sem um getur í 1. mgr. 4. gr. b í tilskipun 2005/36/EB og veita tryggingar fyrir því að rafræna skjalið sé gefið út af viðkomandi lögbæru yfirvaldi og hafi ekki verið breytt af utanaðkomandi aðilum. Til að tryggja að evrópska fagskírteininu sé ekki ruglað saman við skjöl sem veita sjálfkrafa leyfi til að starfa í gístiaðildarríki þegar viðkomandi hefur staðfestu þar, er rétt að sjá til þess að evrópska fagskírteinið innihaldi fyrirvara þar að lútandi.
- 8) Málsmeðferð við útgáfu evrópska fagskírteinisins getur haft í för með sér að lögbært yfirvald heimaaðildarríkis eða gístiaðildarríkis taki mismunandi ákvarðanir. Því er nauðsynlegt að skilgreina hugsanlegar niðurstöður málsmeðferðar við útgáfu evrópsks fagskírteinis og einnig að tilgreina, eftir því sem við á, þær upplýsingar sem koma skulu fram í rafræna skjalinu með niðurstöðu málsmeðferðarinnar.
- 9) Til að auðvelda lögbæru yfirvaldi gístiaðildarríkisins að rækja hlutverk sitt og tryggja að þriðju aðilar, sem eiga hagsmuna að gæta, geti sannprófað útgefin evrópsk fagskírteini með einföldum og notendavænum hætti er rétt að sjá fyrir miðlægu kerfi á Netinu til að þriðju aðilar, sem eiga hagsmuna að gæta en hafa ekki aðgang að IMI-kerfinu, geti sannprófað að evrópskt fagskírteini sé ósvikið og gilt. Það sannprófunarkerfi ætti að vera aðskilið vefgáttinni sem um getur í 1. mgr. 4. gr. b í tilskipun 2005/36/EB. Slík sannprófun á evrópska fagskírteininu ætti ekki að veita þriðju aðilum, sem eiga hagsmuna að gæta, aðgang að IMI-kerfinu.
- 10) Í því skyni að tryggja persónuvernd í tengslum við beitingu viðvörðunarkerfisins er nauðsynlegt að skilgreina hlutverk lögbærra yfirvalda sem annast meðferð viðvarana sem berast og sem sendar eru út og virkni IMI-kerfisins til að afturkalla viðvaranir, breyta þeim og ljúka þeim og tryggja öryggi gagnavinnslu.
- 11) Til að auðveldara sé að takmarka aðgang að persónuupplýsingum við þau yfirvöld ein, sem þurfa að fá upplýsingarnar, ættu aðildarríkin að tilnefna yfirvöld til að gegna því hlutverki að samræma viðvaranir sem berast. Aðildarríkin ættu einungis að veita þeim aðildarríkjum, sem viðvörðunin varðar beint, aðgang að viðvörðunarkerfinu. Til að tryggja að viðvaranir séu ekki sendar út nema nauðsyn beri til ættu aðildarríkin að geta tilnefnt yfirvöld sem falið er það hlutverk að samræma viðvaranir sem sendar eru út.
- 12) Vinnsla persónuupplýsinga samkvæmt þessari reglugerð fellur undir tilskipun Evrópuþingsins og ráðsins 95/46/EB ⁽¹⁾, tilskipun Evrópuþingsins og ráðsins 2002/58/EB ⁽²⁾ og reglugerð Evrópuþingsins og ráðsins (EB) nr. 45/2001 ⁽³⁾.
- 13) Ráðstafanirnar, sem kveðið er á um í þessari reglugerð, eru í samræmi við álit nefndar um viðurkenningu á faglegri menntun og hæfi.

⁽¹⁾ Tilskipun Evrópuþingsins og ráðsins 95/46/EB frá 24. október 1995 um vernd einstaklinga í tengslum við vinnslu persónuupplýsinga og um frjálsa miðlun slíkra upplýsinga (Stjtið. EB L 281, 23.11.1995, bls. 31).

⁽²⁾ Tilskipun Evrópuþingsins og ráðsins 2002/58/EB frá 12. júlí 2002 um vinnslu persónuupplýsinga og um verndun einkalífis á sviði rafræna fjarskipta (tilskipun um friðhelgi einkalífisins og rafræn fjarskipti) (Stjtið. EB L 201, 31.7.2002, bls. 37).

⁽³⁾ Reglugerð Evrópuþingsins og ráðsins (EB) nr. 45/2001 frá 18. desember 2000 um vernd einstaklinga í tengslum við vinnslu persónuupplýsinga, sem stofnanir og aðilar Bandalagsins hafa unnið, og um frjálsa miðlun slíkra upplýsinga (Stjtið. EB L 8, 12.1.2001, bls. 1.).

SAMÞYKKT REGLUGERÐ ÞESSA:

I. KAFLI

EFNI OG MÁLSMEÐFERÐ VIÐ ÚTGÁFU EVRÓPSKA FAGSKÍRTEINISINS

1. gr.

Efni

Í reglugerð þessari er mælt fyrir um reglur um málsmeðferð við útgáfu evrópska fagskírteinisins, skv. 4. gr. a – 4. gr. e í tilskipun 2005/36/EB, fyrir þær starfsgreinar sem taldar eru upp í I. viðauka við þessa reglugerð og um beitingu viðvörunarkerfisins sem kveðið er á um í 56. gr. a í þeirri tilskipun.

2. gr.

Lögbær yfirvöld sem koma að málsmeðferð við útgáfu evrópska fagskírteinisins

1. Hvert aðildarríki skal tilnefna lögbær yfirvöld sem bera skulu ábyrgð á meðferð umsókna um evrópsk fagskírteini fyrir hverja af þeim starfsgreinum, sem taldar eru upp í I. viðauka, á öllu yfirráðsvæði þess eða hluta þess, eftir því sem við á.

Að því er varðar framkvæmd 7. gr. skal hvert aðildarríki fela einu eða fleiri lögbærum yfirvöldum það hlutverk að úthluta umsóknum um evrópskt fagskírteini til viðeigandi lögbærs yfirvalds á yfirráðasvæði sínu.

2. Aðildarríkin skulu skrá í upplýsingakerfið fyrir innri markaðinn (IMI-kerfið), sem komið var á fót með reglugerð (ESB) nr. 1024/2012, a.m.k. eitt lögbært yfirvald fyrir hverja af þeim starfsgreinum, sem taldar eru upp í I. viðauka við þessa reglugerð, og a.m.k. eitt lögbært yfirvald sem falið er það hlutverk að úthluta umsóknum um evrópsk fagskírteini á yfirráðasvæði sínu eigi síðar en 18. janúar 2016.

3. Heimilt er að tilnefna sama lögbæra yfirvaldið sem lögbært yfirvald til að bera ábyrgð á meðferð umsókna um evrópsk fagskírteini og sem lögbært yfirvald til að úthluta umsóknum um evrópsk fagskírteini.

3. gr.

Umsóknir um evrópsk fagskírteini lagðar fram á Netinu

1. Til þess að leggja fram umsókn um evrópskt fagskírteini á Netinu skal umsækjandi stofna öruggan einkareikning á vefgáttinni sem um getur í 1. mgr. 4. gr. b í tilskipun 2005/36/EB. Í vefgáttinni skulu veittar upplýsingar um tilganginn með vinnslu persónuupplýsinganna, umfang hennar og eðli, þ.m.t. upplýsingar um réttindi umsækjenda sem skráðra aðila. Í vefgáttinni skal farið fram á skýlaust samþykki umsækjenda fyrir vinnslu á persónuupplýsingum þeirra í IMI-kerfinu.

2. Í vefgáttinni, sem um getur í 1. mgr. 4. gr. b í tilskipun 2005/36/EB, skal gert ráð fyrir þeim möguleika að umsækjandi geti fyllt út allar nauðsynlegar upplýsingar í tengslum við umsókn um evrópskt fagskírteini, sem um getur í 4. gr. þessarar reglugerðar, halað upp afritum af tilskildum gögnum vegna útgáfu skírteinisins, skv. 1. mgr. 10. gr. þessarar reglugerðar, og fengið upplýsingar um það hvernig vinnslu umsóknar viðkomandi um evrópskt fagskírteini á Netinu vindur fram, þ.m.t. um greiðslur sem inntar skulu af hendi.

3. Í vefgáttinni skal einnig gert ráð fyrir þeim möguleika að umsækjendur geti lagt fram viðbótarupplýsingar eða -skjöl og að fara fram á að persónuupplýsingar um þá, sem er að finna í skránni í IMI-kerfinu á Netinu, séu leiðréttar, þeim eytt eða settar á þær aðgangshindranir.

4. gr.

Upplýsingar sem fylgja skulu umsóknum um evrópskt fagskírteini

Í umsókn sinni um evrópskt fagskírteini skal umsækjandi veita eftirfarandi upplýsingar:

- a) nafn umsækjanda,
- b) viðkomandi starfsgrein,

- c) aðildarríkið þar sem umsækjandi hyggst öðlast staðfestu eða aðildarríkið þar sem umsækjandi hyggst veita þjónustu tímabundið og óreglulega,
- d) aðildarríkið þar sem umsækjandi hefur lagalega staðfestu í þeim tilgangi að stunda umrædda starfsemi þegar umsóknin er lögð fram,
- e) markmiðið með fyrirhugaðri atvinnustarfsemi:
 - i. staðfesta,
 - ii. að veita þjónustu tímabundið og óreglulega,
- f) val um eitt af eftirfarandi:
 - i. ef um er að ræða staðfestu, val um annað hvort af eftirfarandi fyrirkomulagi:
 - sjálfkrafa viðurkenningu, skv. III. kafla III. bóls tilskipunar 2005/36/EB,
 - almenna kerfið til viðurkenningar, skv. I. kafla III. bóls tilskipunar 2005/36/EB,
 - ii. ef um er að ræða að veita þjónustu tímabundið og óreglulega, val um annað hvort af eftirfarandi fyrirkomulagi:
 - frjáls þjónustustarfsemi með forathugun á menntun og hæfi skv. 4. mgr. 7. gr. tilskipunar 2005/36/EB,
 - frjáls þjónustustarfsemi án forathugunar á menntun og hæfi sem um getur í 4. mgr. 7. gr. tilskipunar 2005/36/EB,
- g) aðrar upplýsingar sem varða sérstaklega fyrirkomulagið sem um getur í f-lið.

Að því er varðar d-lið fyrstu undirgreinar skal umsækjandi, sem ekki hefur lagalega staðfestu þegar hann sækir um, tilgreina aðildarríkið þar sem hann öðlaðist tilskilda faglega menntun og hæfi. Hafi umsækjandi hlotið faglega menntun sína og hæfi í fleiri en einu aðildarríki skal hann velja hvert af aðildarríkjunum, sem gáfu út vitnisburð um menntun hans og hæfi, skuli taka við umsókn hans um evrópskt fagskírteini.

Hafi umsækjandi ekki tiltekið rétt fyrirkomulag, að því er varðar f-lið fyrstu undirgreinar, skal lögbært yfirvald heimaaðildarríkisins ráðleggja honum, innan viku frá móttöku umsóknar hans um evrópskt fagskírteini, að leggja aftur fram umsókn samkvæmt viðeigandi fyrirkomulagi. Lögbært yfirvald heimaaðildarríkisins skal fyrst hafa samráð við lögbært yfirvald gístaðildarríkisins eftir því sem við á.

5. gr.

Gögn sem umsóknir um evrópskt fagskírteini skulu innihalda

Gögn um deili á umsækjanda og skjölin, sem um getur í 1. mgr. 10. gr., skulu geymd í skrá umsækjanda í IMI-kerfinu. Slík gögn skal vera hægt að nota aftur vegna síðari umsókna að því tilskildu að umsækjandi samþykki slíka endurnotkun og að gögnin séu enn í gildi.

6. gr.

Framsending umsókna um evrópskt fagskírteini til viðeigandi lögbærs yfirvalds í heimaaðildarríkinu

1. Vefgáttin, sem um getur í 1. mgr. 4. gr. b í tilskipun 2005/36/EB, skal framsenda umsóknina um evrópskt fagskírteini með öruggum hætti til IMI-kerfisins til meðferðar hjá lögbæru yfirvaldi í heimaaðildarríkinu sem um getur í 2. eða 3. mgr. þessarar greinar.
2. Ef umsækjandi hefur lagalega staðfestu í aðildarríki þegar hann sækir um skal IMI-kerfið framsenda umsóknina um evrópskt fagskírteini til lögbæra yfirvaldsins í aðildarríkinu þar sem umsækjandinn hefur lagalega staðfestu.

Lögbært yfirvald í heimaaðildarríkinu skal sannprófa hvort umsækjandinn hafi lagalega staðfestu í því aðildarríki og votta það í skránni í IMI-kerfinu. Það skal einnig hala upp viðeigandi sönnun á lagalegri staðfestu umsækjanda eða bæta við tilvísun til viðeigandi landsskrár.

Sé lögbært yfirvald heimaaðildarríkisins ekki í aðstöðu til að staðfesta að umsækjandi hafi lagalega staðfestu á yfirráðasvæði þess með öðrum hætti skal það biðja umsækjanda um sönnun á lagalegri staðfestu sinni innan viku frá móttöku umsóknar hans um evrópskt fagskírteini sem um getur í 3. mgr. 4. gr. b í tilskipun 2005/36/EB. Lögbært yfirvald heimaaðildarríkisins skal líta á slík skjöl sem skjöl sem vantar skv. 4. gr. b (3. mgr.) og 4. gr. c (1. mgr.) eða 4. gr. d (1. mgr.) í tilskipun 2005/36/EB.

3. Í þeim tilvikum, sem um getur í annari undirgrein 4. gr. þessarar reglugerðar, skal IMI-kerfið framsenda umsóknina um evrópskt fagskírteini til lögbærs yfirvalds í aðildarríkinu sem gaf út tilskilinn vitnisburð um faglega menntun og hæfi.

4. Lögbær yfirvöld annarra aðildarríkja, sem gáfu út vitnisburð um faglega menntun og hæfi, skulu starfa með lögbæru yfirvaldi heimaaðildarríkisins eða lögbæru yfirvaldi gístiaðildarríkisins og svara hvers konar beiðnum þeirra um upplýsingar varðandi skírteinisumsóknina meðan á málsmeðferðinni vegna útgáfu evrópska fagskírteinisins stendur.

7. gr.

Hlutverk lögbærra yfirvalda sem úthluta umsóknum um evrópsk fagskírteini

1. Í þeim tilvikum þar sem aðildarríki tilnefnir fleiri en eitt lögbært yfirvald til að bera ábyrgð á meðferð umsókna um evrópsk fagskírteini fyrir tiltekna starfsgrein á yfirráðasvæði sínu eða hlutum þess skal lögbært yfirvald, sem falið er að úthluta umsóknum um evrópsk fagskírteini, tryggja að umsóknin sé send án ótilhlýðilegrar tafar til viðeigandi lögbærs yfirvalds á yfirráðasvæði aðildarríkisins.

2. Hafi umsækjandi lagt fram umsókn hjá öðru aðildarríki en heimaaðildarríki sínu, eins og kveðið er á um í 2. eða 3. mgr. 6. gr., getur lögbæra yfirvaldið, sem falið er að úthluta umsóknum um evrópskt fagskírteini innan aðildarríkisins sem barst umsóknin, synjað um meðferð umsóknarinnar innan viku frá móttöku umsóknarinnar um evrópskt fagskírteini og tilkynnt umsækjanda um það.

8. gr.

Vinnsla skriflegra umsókna hjá lögbærum yfirvöldum heimaaðildarríkis

1. Ef aðildarríki leyfir framlagningu skriflegra umsókna um evrópskt fagskírteini og kemst að þeirri niðurstöðu, þegar því berst slík skrifleg umsókn, að það sé ekki lögbært til að fara með umsóknina skv. 2. eða 3. mgr. 6. gr., getur það synjað um meðferð umsóknarinnar og tilkynnt umsækjanda um það innan viku frá móttöku umsóknarinnar.

2. Berist umsóknir um evrópskt fagskírteini skriflega skal lögbært yfirvald heimaaðildarríkisins fylla út umsókn um evrópskt fagskírteini í vefgáttinni, sem um getur í 1. mgr. 4. gr. b í tilskipun 2005/36/EB, fyrir hönd umsækjandans á grundvelli skriflegu umsóknarinnar sem umsækjandi lagði fram.

3. Lögbært yfirvald heimaaðildarríkisins skal halda umsækjanda upplýstum um það hvernig vinnsla skriflegrar umsóknar hans um evrópskt fagskírteini vindur fram, þ.m.t. senda honum hvers konar áminningar skv. 5. mgr. 4. gr. e í tilskipun 2005/36/EB eða aðrar viðeigandi upplýsingar utan IMI-kerfisins í samræmi við innlend stjórnsýsluferli. Það skal senda umsækjanda staðfestingu á niðurstöðu málsmeðferðarinnar við útgáfu evrópska fagskírteinisins, sem um getur í 21. gr. þessarar reglugerðar, án tafar eftir lúkningu málsmeðferðarinnar.

9. gr.

Verklagsreglur vegna greiðslna

1. Taki lögbært yfirvald heimaaðildarríkis gjald fyrir vinnslu umsókna um evrópskt fagskírteini skal það tilkynna umsækjanda, í gegnum vefgáttina sem um getur í 1. mgr. 4. gr. b í tilskipun 2005/36/EB, innan viku frá móttöku umsóknar um evrópskt fagskírteini, um fjárhæðina sem greiða skal, greiðslutilhöggun, tilvísanir sem taka þarf fram og þá staðfestingu á greiðslu sem krafist er og setja sanngjarnan greiðslufrest.

2. Taki lögbært yfirvald gístiaðildarríkis gjald fyrir vinnslu umsókna um evrópskt fagskírteini skal það láta umsækjanda í té upplýsingarnar, sem um getur í 1. mgr. þessarar greinar, í gegnum vefgáttina, sem um getur í 1. mgr. 4. gr. b í tilskipun 2005/36/EB, um leið og lögbært yfirvald heimaaðildarríkisins sendir því umsóknina um evrópskt fagskírteini, og setja sanngjarnan greiðslufrest.

*10. gr.***Skjöl sem krafist er vegna útgáfu evrópsks fagskírteinis**

1. Lögbær yfirvöld aðildarríkjanna geta einungis krafist þess að lögð séu fram eftirfarandi skjöl vegna útgáfu evrópsks fagskírteinis vegna staðfestu:

- a) þegar um er að ræða sjálfkrafa viðurkenningu, sem kveðið er á um í III. kafla III. bóls tilskipunar 2005/36/EB, skjölin sem talin eru upp í 1. lið A-hluta II. viðauka við þessa reglugerð,
- b) þegar um er að ræða almenna kerfið til viðurkenningar, sem kveðið er á um í I. kafla III. bóls tilskipunar 2005/36/EB, skjölin sem talin eru upp í 2. lið A-hluta II. viðauka við þessa reglugerð.

Lögbær yfirvöld aðildarríkjanna geta einungis farið fram á skjölin, sem talin eru upp í B-hluta II. viðauka, vegna útgáfu evrópsks fagskírteinis til að veita þjónustu tímabundið og óreglulega.

Aðeins skal krefjast þess að umsækjandi leggi fram skjölin, sem um getur í d-lið 1. liðar og g-lið 2. liðar A-hluta og a-, c- og d-liðum B-hluta II. viðauka, ef lögbært yfirvald gístiaðildarríkisins fer fram á það.

2. Aðildarríkin skulu tilgreina hvaða skjala er krafist vegna útgáfu evrópsks fagskírteinis og senda hinum aðildarríkjunum upplýsingar um það í gegnum IMI-kerfið.
3. Litið skal á skjöl, sem krafist er í samræmi við 1. og 2. mgr. þessarar greinar, sem skjöl sem vantar skv. 4. gr. b (3. mgr.) og 4. gr. c (1. mgr.) eða 4. gr. d (1. mgr.) í tilskipun 2005/36/EB.

*11. gr.***Meðhöndlun skjala sem lögbært yfirvald heimaaðildarríkisins gefur út**

1. Hafi lögbært yfirvald heimaaðildarríkisins verið tilnefnt samkvæmt landslögum sem ábyrgt fyrir útgáfu einhverra þeirra skjala, sem krafist er vegna útgáfu evrópsks fagskírteinis skv. 10. gr., skal það hala þeim skjölum beint upp í IMI-kerfið.
2. Þrátt fyrir 3. mgr. 10. gr. þessarar reglugerðar skal lögbært yfirvald heimaaðildarríkisins ekki líta á skjölin, sem um getur í 1. mgr. þessarar greinar, sem skjöl sem vantar skv. 4. gr. b (3. mgr.) og 4. gr. c (1. mgr.) eða 4. gr. d (1. mgr.) í tilskipun 2005/36/EB, hafi þessum skjölum ekki verið halað upp í IMI-kerfið í samræmi við 1. mgr.
3. Í vegfáttinni, sem um getur í 1. mgr. 4. gr. b í tilskipun 2005/36/EB, skal gert ráð fyrir þeim möguleika að umsækjandi geti halað upp afritum af öllum tilskildum stuðningsgögnum sem gefin eru út af lögbærum yfirvöldum heimaaðildarríkisins.

*12. gr.***Meðhöndlun skjala sem eru ekki gefin út af lögbæru yfirvaldi heimaaðildarríkisins**

1. Þó að umsækjandi leggi ekki fram með umsókn sinni um evrópskt fagskírteini eitthvert þeirra skjala, sem um getur í c- og d-lið 2. liðar A-hluta eða d-lið B-hluta II. viðauka við þessa reglugerð, skal lögbært yfirvald heimaaðildarríkisins ekki líta á slík skjöl sem skjöl sem vantar skv. 3. mgr. 4. gr. b og 1. mgr. 4. gr. d í tilskipun 2005/36/EB, með fyrirvara um 3. mgr. 10. gr. þessarar reglugerðar.
2. Lögbæru yfirvaldi gístiaðildarríkis er heimilt að fara fram á það beint við umsækjanda að hann leggi fram þau skjöl sem um getur í 1. mgr. þessarar greinar eða við heimaaðildarríkið skv. 3. mgr. 4. gr. d í tilskipun 2005/36/EB.
3. Láti umsækjandi hjá líða að leggja fram skjölin að fenginni beiðni gístiaðildarríkisins, sem um getur í 2. mgr., skal lögbært yfirvald gístiaðildarríkisins taka ákvörðun um útgáfu evrópsks fagskírteinis á grundvelli fyrirbyggjandi upplýsinga.

*13. gr.***Skjöl til sönnunar á tungumálakunnáttu**

1. Í vefgáttinni, sem um getur í 1. mgr. 4. gr. b í tilskipun 2005/36/EB, skal gert ráð fyrir þeim möguleika að umsækjandi geti lagt fram hvers konar skjal til sönnunar á tungumálakunnáttu sinni sem gístiaðildarríki kann að krefjast skv. 53. gr. þeirrar tilskipunar eftir að evrópska fagskírteinið hefur verið gefið út.
2. Skjalfest sönnun á tungumálakunnáttu skal ekki vera hluti af þeim skjölum sem krafist er vegna útgáfu evrópsks fagskírteinis.
3. Lögbæru yfirvaldi gístiaðildarríkis er óheimilt að synja um útgáfu evrópsks fagskírteinis á grundvelli skorts á sönnun á tungumálakunnáttu sem um getur í 53. gr. tilskipunar 2005/36/EB.

*14. gr.***Sannprófun þess að skjöl, sem krafist er vegna útgáfu evrópsks fagskírteinis, séu ósvikin og gild**

1. Gefi lögbært yfirvald heimaaðildarríkis út eitthvert þeirra skjala, sem krafist er vegna útgáfu evrópsks fagskírteinis skv. 10. gr., skal það votta í skránni í IMI-kerfinu að skjalið sé gilt og ósvikið.
2. Ef fyrir liggur réttmætur vafi þegar tilskilið skjal var gefið út af öðrum landsbundnum aðila í heimaaðildarríkinu skal lögbært yfirvald heimaaðildarríkisins biðja viðkomandi aðila um að staðfesta að skjalið sé gilt og ósvikið. Að fenginni staðfestingunni skal það votta í IMI-kerfinu að skjalið sé gilt og ósvikið.
3. Sé skjal gefið út í öðru aðildarríki skal lögbært yfirvald heimaaðildarríkisins hafa samband í gegnum IMI-kerfið við lögbæra yfirvaldið sem ber ábyrgð á meðferð umsókna um evrópsk fagskírteini í hinu aðildarríkinu (eða annan viðeigandi landsbundinn aðila hins aðildarríkisins sem skráður er í IMI-kerfið) til að sannprófa að skjalið sé gilt og ósvikið. Að lokinni sannprófuninni skal það votta í IMI-kerfinu að lögbært yfirvald hins aðildarríkisins hafi staðfest að skjalið sé gilt og ósvikið.

Í þeim tilvikum, sem um getur í fyrstu undirgrein, skulu lögbær yfirvöld hins aðildarríkisins, sem bera ábyrgð á meðferð umsókna um evrópsk fagskírteini (eða aðrir viðeigandi landsbundnir aðilar hins aðildarríkisins sem skráðir eru í IMI-kerfið) bregðast vel við og svara án tafar hvers konar beiðnum lögbærs yfirvalds heimaaðildarríkisins um upplýsingar.

4. Áður en lögbært yfirvald heimaaðildarríkisins vottar að skjal, sem gefið er út og halað upp í IMI-kerfið skv. 1. mgr. 11. gr. þessarar reglugerðar, sé ósvikið og gilt skal það lýsa efni þess í fyrirframgefnum reitum IMI-kerfisins. Lögbært yfirvald heimaaðildarríkisins skal, eftir því sem við á, tryggja að upplýsingarnar, sem notaðar eru til að lýsa skjölunum sem umsækjandi leggur fram í gegnum vefgáttina sem um getur í 1. mgr. 4. gr. b í tilskipun 2005/36/EB, séu réttar.

*15. gr.***Skilyrði fyrir því að krefjast megi staðfesta endurrita gagna**

1. Lögbært yfirvald heimaaðildarríkis skal einungis tilkynna umsækjanda, innan frestanna sem gefnir eru í 1. mgr. 4. gr. c og 1. mgr. 4. gr. d í tilskipun 2005/36/EB, að hann þurfi að leggja fram staðfest endurrit ef viðkomandi landsbundinn aðili heimaaðildarríkisins eða lögbært yfirvald eða viðkomandi landsbundinn aðili annars aðildarríkis hefur látið hjá líða að staðfesta að tilskilið skjal sé gilt og ósvikið eftir þeim sannprófunarferlum sem sett eru fram í 14. gr. þessarar reglugerðar og ef gístiaðildarríkið krefst slíkra staðfesta endurrita skv. 2. mgr. þessarar greinar.

Í þeim tilvikum sem um getur í þriðju undirgrein 2. mgr. 6. gr. þessarar reglugerðar og ef fyrir liggur réttmætur vafi er lögbæru yfirvaldi heimaaðildarríkisins heimilt að krefjast þess að umsækjandi leggi fram staðfest endurrit sönnunar á lagalegri staðfestu sinni innan frestanna sem gefnir eru í 1. mgr. 4. gr. c og 1. mgr. 4. gr. d.

2. Aðildarríkin skulu tilgreina í IMI-kerfinu þau skjöl sem þau krefjast staðfesta endurrita á frá umsækjanda skv. 1. mgr. og senda hinum aðildarríkjunum upplýsingar um það í gegnum kerfið.

3. Ákvæði 1. og 2. mgr. þessarar greinar skulu ekki hafa áhrif á réttindi lögbærs yfirvalds gístiaðildarríkisins til að fara fram á viðbótarupplýsingar eða staðfest endurrit gagna frá lögbæru yfirvaldi heimaaðildarríkisins skv. 2. og 3. mgr. 4. gr. d í tilskipun 2005/36/EB ef fyrir liggur réttmætur vafi.
4. Ef fyrir liggur réttmætur vafi getur lögbært yfirvald gístiaðildarríkisins farið fram á að umsækjandi leggi fram staðfest endurrit gagna og sett hæfilegan frest til þess.

16. gr.

Meðhöndlun staðfesta endurrita

1. Aðildarríkin skulu tilgreina í IMI-kerfinu hvers konar staðfest endurrit eru viðurkennd á yfirráðasvæði þeirra samkvæmt lögum og stjórnsýslufyrirmælum þeirra og miðla þessum upplýsingum til hinna aðildarríkjana um kerfið.
2. Lögbær yfirvöld aðildarríkjana skulu viðurkenna staðfest endurrit sem gefin eru út í öðru aðildarríki samkvæmt lögum og stjórnsýslufyrirmælum þess aðildarríkis.
3. Ef réttmætur vafi leikur á því að staðfest endurrit frá öðru aðildarríki sé gilt og ósvikið skulu lögbær yfirvöld beina beiðni um viðbótarupplýsingar til viðeigandi lögbærra yfirvalda í hinu aðildarríkinu í gegnum IMI-kerfið. Lögbær yfirvöld hinna aðildarríkjana skulu bregðast vel við og svara án ótilhlýðilegrar tafar.
4. Þegar lögbæru yfirvaldi berst staðfest endurrit frá umsækjanda skal það hlaða upp rafrænni útgáfu þess og votta í skránni í IMI-kerfinu að endurritið sé ósvikið.
5. Umsækjanda er heimilt að afhenda lögbæru yfirvaldi heimaaðildarríkis frumrit skjals í stað staðfests endurrits og skal yfirvaldið þá votta í skránni í IMI-kerfinu að rafrænt afrit upprunalegs skjals sé ósvikið.
6. Leggi umsækjandi ekki fram staðfest endurrit tilskilins skjals innan frestsins, sem um getur í 1. mgr. 4. gr. d í tilskipun 2005/36/EB, framlengir það ekki fresti til að framsenda umsóknina til lögbærs yfirvalds gístiaðildarríkisins. Þangað til lögbæru yfirvaldi heimaaðildarríkisins berst staðfest endurrit og halar því upp skal skjalið merkt þannig í IMI-kerfinu að það bíði staðfestingar á að vera ósvikið og gilt.
7. Leggi umsækjandi ekki fram staðfest endurrit tilskilins skjals innan frestsins sem um getur í 1. mgr. 4. gr. c í tilskipun 2005/36/EB getur lögbært yfirvald heimaaðildarríkisins synjað um útgáfu evrópsks fagskírteinis til að veita, tímabundið og óreglulega, aðra þjónustu en þá sem fellur undir 4. mgr. 7. gr. tilskipunar 2005/36/EB.
8. Berist lögbæru yfirvaldi gístiaðildarríkis ekki staðfest endurrit tilskilins skjals, annaðhvort frá lögbæru yfirvaldi heimaaðildarríkisins eða frá umsækjanda, er því heimilt að taka ákvörðun á grundvelli fyrirliggjandi upplýsinga innan þeirra fresta sem um getur í 2. og 3. mgr. og annarri undirgrein 5. mgr. 4. gr. d í tilskipun 2005/36/EB.

17. gr.

Beiðnir lögbærs yfirvalds heimaaðildarríkis um þýðingu

1. Lögbærum yfirvöldum heimaaðildarríkis er einungis heimilt að krefjast almennrar eða löggilttrar þýðingar á eftirtöldum stuðningsgögnum með umsókn um evrópskt fagskírteini að sérstakri beiðni lögbærs yfirvalds gístiaðildarríkisins skv. 1. mgr. 18. gr.:
 - a) sönnun á ríkisfangi umsækjanda,
 - b) vitnisburði um formlega menntun og hæfi sem um getur í b-lið 1. liðar í A-hluta II. viðauka og sem gefinn er út í heimaaðildarríkinu,

- c) vottorðunum sem um getur í c-lið 1. liðar og f-lið 2. liðar í A-hluta II. viðauka og gefin eru út af lögbærum yfirvöldum sem bera ábyrgð á meðferð umsókna um evrópsk fagskírteini eða af öðrum viðeigandi landsbundnum aðilum heimaaðildarríkisins,
- d) vottorði um lagalega staðfestu, sem um getur í b-lið B-hluta II. viðauka og í þriðju undirgrein 2. mgr. 6. gr. þessarar reglugerðar, og skjölunum sem kann að vera krafist skv. d-lið 1. liðar VII. viðauka og b- og e-lið 2. mgr. 7. gr. tilskipunar 2005/36/EB, sem gefin eru út af lögbærum yfirvöldum sem bera ábyrgð á meðferð umsókna um evrópsk fagskírteini eða af öðrum viðeigandi landsbundnum aðilum heimaaðildarríkisins.

2. Sérhvert aðildarríki skal tilgreina í IMI-kerfinu þau skjöl sem lögbær yfirvöld þess, í hlutverki sínu sem lögbær yfirvöld gístiaðildarríkis, krefjast almennra eða löggiltra þýðinga á frá umsækjanda skv. 3. og 4. mgr. og þau tungumál sem þau viðurkenna og senda hinum aðildarríkjunum upplýsingar um það í gegnum kerfið.

3. Þrátt fyrir 1. mgr. skal lögbært yfirvald heimaaðildarríkisins fara fram á það við umsækjanda, innan viku frá móttöku umsóknar hans um evrópskt fagskírteini skv. 4. gr. b (3. mgr.) og 4. gr. c (1. mgr.) eða 4. gr. d (1. mgr.) í tilskipun 2005/36/EB, að fá þýðingar á tilskildum skjölum, sem tilgreind eru í II. viðauka, yfir á þau tungumál sem lögbært yfirvald gístiaðildarríkisins viðurkennir ef lögbært yfirvald gístiaðildarríkisins krefst þýðingar á þessum skjölum skv. 2. mgr. þessarar greinar.

4. Hafi umsækjandi lagt fram skjöl, sem um getur í c- og d-lið 2. liðar í A-hluta eða d-lið B-hluta í II. viðauka, með umsókn sinni um evrópskt fagskírteini skal lögbært yfirvald heimaaðildarríkisins fara fram á þýðingu á þessum skjölum yfir á þau tungumál sem lögbært yfirvald gístiaðildarríkisins viðurkennir.

5. Leggi umsækjandi ekki fram þær þýðingar, sem farið er fram á, á skjölunum, sem um getur í 4. mgr. þessarar greinar, skal lögbært yfirvald heimaaðildarríkisins ekki líta á þessar þýðingar sem skjöl sem vantar skv. 3. mgr. 4. gr. b og 1. mgr. 4. gr. d í tilskipun 2005/36/EB.

18. gr.

Beiðnir lögbærs yfirvalds gístiaðildarríkis um þýðingu

1. Ef fyrir liggur réttmætur vafi getur lögbært yfirvald gístiaðildarríkisins farið fram á viðbótarupplýsingar, þ.m.t. almennar eða löggiltar þýðingar, frá lögbæru yfirvaldi heimaaðildarríkis skv. 2. og 3. mgr. 4. gr. d í tilskipun 2005/36/EB.

2. Í þeim tilvikum, sem um getur í 1. mgr., getur lögbært yfirvald gístiaðildarríkisins einnig farið fram á að umsækjandi leggi fram almennar eða löggiltar þýðingar og sett hæfilegan frest til þess.

3. Berist lögbæru yfirvaldi gístiaðildarríkis ekki þýðing, sem farið er fram á, annaðhvort frá lögbæru yfirvaldi heimaaðildarríkisins eða frá umsækjanda er því heimilt að taka ákvörðun á grundvelli fyrirbyggjandi upplýsinga innan þeirra fresta sem kveðið er á um í 2. og 3. mgr. og annarri undirgrein 5. mgr. 4. gr. d í tilskipun 2005/36/EB.

19. gr.

Meðhöndlun löggiltra þýðinga af hálfu lögbærra yfirvalda aðildarríkjanna

1. Sérhvert aðildarríki skal tilgreina í IMI-kerfinu hvaða löggiltu þýðingar eru viðurkenndar á yfirráðasvæði þeirra samkvæmt lögum og stjórnsýslufyrirmælum þeirra og miðla þessum upplýsingum til hinna aðildarríkjanna um kerfið.

2. Lögbær yfirvöld aðildarríkjanna skulu viðurkenna löggiltar þýðingar sem gefnar eru út í öðru aðildarríki samkvæmt lögum og stjórnsýslufyrirmælum þess aðildarríkis.

3. Ef réttmætur vafi leikur á því að staðfest endurrit frá öðru aðildarríki sé gilt og ósvikið skulu lögbær yfirvöld beina beiðni um viðbótarupplýsingar til viðeigandi lögbærra yfirvalda í hinu aðildarríkinu í gegnum IMI-kerfið. Í slíkum tilvikum skulu viðeigandi yfirvöld annarra aðildarríkja bregðast vel við og svara án tafar.
4. Þegar lögbæru yfirvaldi aðildarríkis berst löggilt þýðing frá umsækjanda, með fyrirvara um 3. mgr., skal það hlaða upp rafrænni útgáfu af löggiltu þýðingunni og votta í skránni í IMI-kerfinu að þýðingin sé löggilt.
5. Ef fyrir liggur réttmætur vafi varðandi einhver þeirra skjala, sem getið er í 1. mgr. 17. gr., skal lögbært yfirvald gístiaðildarríkisins beina beiðni um viðbótarupplýsingar til lögbærs yfirvalds heimaaðildarríkisins eða lögbærra yfirvalda annarra aðildarríkja, sem gefið hafa út viðkomandi skjal, í gegnum IMI-kerfið áður en farið er fram á löggiltar þýðingar.

20. gr.

Ákvarðanir um evrópska fagskírteinið

1. Varðandi staðfestu og það að veita þjónustu tímabundið og óreglulega skv. 4. mgr. 7. gr. tilskipunar 2005/36/EB skal lögbært yfirvald gístiaðildarríkis annaðhvort taka ákvörðun um að gefa út evrópskt fagskírteini, ákvörðun um að synja um útgáfu evrópsks fagskírteinis, ákvörðun um beitingu uppbótarráðstafana skv. 14. gr. eða 4. mgr. 7. gr. tilskipunar 2005/36/EB eða ákvörðun um að framlengja gildistíma evrópsks fagskírteinis til að veita þjónustu tímabundið og óreglulega skv. 4. mgr. 7. gr. tilskipunar 2005/36/EB.
2. Varðandi það að veita, tímabundið og óreglulega, aðra þjónustu en þá sem fellur undir 4. mgr. 7. gr. tilskipunar 2005/36/EB skal lögbært yfirvald heimaaðildarríkis annaðhvort taka ákvörðun um að gefa út evrópskt fagskírteini, ákvörðun um að synja um útgáfu evrópsks fagskírteinis eða ákvörðun um að framlengja gildistíma útgefins evrópsks fagskírteinis.
3. Í þeim tilvikum þar sem lögbært yfirvald gístiaðildarríkis tekur ákvörðun um að láta umsækjanda sæta uppbótarráðstöfunum skv. 14. gr. eða 4. mgr. 7. gr. tilskipunar 2005/36/EB skulu einnig koma fram í ákvörðuninni upplýsingar um það í hverju uppbótarráðstafanirnar felast, rökstuðningur fyrir þeim og hvort umsækjanda er skylt að tilkynna lögbæru yfirvaldi um að hann hafi lokið uppbótarráðstöfununum. Meðferð umsóknar um evrópskt fagskírteini skal frestað uns umsækjandi hefur lokið uppbótarráðstöfununum.

Þegar uppbótarráðstöfununum hefur verið lokið með fullnægjandi árangri skal umsækjandi tilkynna lögbæru yfirvaldi gístiaðildarríkisins um það í gegnum vefgáttina, sem um getur í 1. mgr. 4. gr. b í tilskipun 2005/36/EB, geri yfirvaldið kröfu um það.

Í þeim tilvikum þar sem lögbært yfirvald gístiaðildarríkis tekur ákvörðun um að beita uppbótarráðstöfunum skv. 4. mgr. 7. gr. tilskipunar 2005/36/EB skal lögbært yfirvald gístiaðildarríkisins votta í IMI-kerfinu, hvort það hefur gefið umsækjanda tækifæri til að taka hæfnisprófið innan mánaðar frá ákvörðun sinni um að beita uppbótarráðstöfunum.

Lögbært yfirvald gístiaðildarríkisins skal staðfesta í IMI-kerfinu að uppbótarráðstöfunum hafi verið lokið með fullnægjandi árangri og skal gefa út evrópskt fagskírteini.

4. Taki lögbært yfirvald gístiaðildarríkis ákvörðun um að synja um útgáfu evrópsks fagskírteinis, skulu rökin fyrir því einnig koma fram í ákvörðuninni. Aðildarríkin skulu tryggja að einstaklingnum, sem í hlut á, standi til boða viðeigandi réttarúrræði vegna ákvörðunar um synjun útgáfu evrópsks fagskírteinis og láta umsækjandanum í té upplýsingar um rétt hans til málskots samkvæmt landslögum.
5. Í IMI-kerfinu skal gert ráð fyrir þeim möguleika að lögbær yfirvöld aðildarríkis geti tekið ákvörðun um að nema úr gildi útgefið evrópskt fagskírteini í tilhlýðilega rökstuddum tilvikum. Í ákvörðun um slíkt skulu einnig koma fram rök fyrir því að nema það úr gildi. Aðildarríkin skulu tryggja að einstaklingi, sem í hlut á, standi til boða viðeigandi réttarúrræði vegna ákvörðunar um að nema úr gildi útgefið evrópskt fagskírteini og láta umsækjandanum í té upplýsingar um rétt hans til málskots samkvæmt landslögum.

*21. gr.***Niðurstaða málsmeðferðar við útgáfu evrópska fagskírteinisins**

1. Í vefgáttinni, sem um getur í 1. mgr. 4. gr. b í tilskipun 2005/36/EB, skal gert ráð fyrir þeim möguleika að umsækjandi geti búið til rafrænt skjal með niðurstöðu málsmeðferðarinnar við útgáfu evrópska fagskírteinisins og halað niður hvers konar sönnunargögnum í tengslum við niðurstöðuna.
2. Þegar evrópska fagskírteinið er gefið út (þ.m.t. í þeim tilvikum sem um getur í fyrstu undirgrein 5. mgr. 4. gr. d í tilskipun 2005/36/EB) skal rafræna skjalið innihalda upplýsingarnar sem settar eru fram í 4. mgr. 4. gr. e í tilskipun 2005/36/EB og, þegar um er að ræða evrópskt fagskírteini vegna staðfestu, fyrirvara um að evrópska fagskírteinið feli ekki í sér leyfi til að starfa innan starfsgreinarinnar í gístiaðildarríkinu.
3. Rafræna skjalið skal innihalda öryggisþætti til að tryggja eftirfarandi:
 - a) að það sé ósvikið, sem tryggir að skjalið sé búið til af lögbæru yfirvaldi sem er skráð og starfandi í IMI-kerfinu og að efni þess sé í réttu samræmi við gögnin,
 - b) heilleika þess sem vottar að skránni, sem geymir skjalið, hafi ekki verið breytt af utanaðkomandi aðila frá því að hún var stofnuð í IMI-kerfinu á tilteknum degi og tíma.

*22. gr.***Sannprófun þriðju aðila, sem eiga hagsmuna að gæta, á evrópska fagskírteininu**

1. Framkvæmdastjórn Evrópusambandsins skal sjá fyrir sannprófunarkerfi á Netinu sem gerir þriðju aðilum, sem eiga hagsmuna að gæta og ekki hafa aðgang að IMI-kerfinu, kleift að sannprófa á Netinu hvort evrópskt fagskírteini sé gilt og ósvikið.
2. Ef um uppfærslur er að ræða á skránni í IMI-kerfinu varðandi rétt handhafa evrópsks fagskírteinis til að leggja stund á atvinnustarfsemi, skv. 1. mgr. 4. gr. e í tilskipun 2005/36/EB, skulu birtast skilaboð þess efnis að þriðju aðilar, sem eiga hagsmuna að gæta, skuli hafa samband við lögbært yfirvald gístiaðildarríkisins til að fá frekari upplýsingar. Orðalag skilaboðanna skal vera hlutlaust, með hliðsjón af því að virða þarf regluna um sakleysi handhafa evrópska fagskírteinisins uns sekt er sönnuð. Þegar um er að ræða evrópskt fagskírteini vegna staðfestu skulu einnig birtast skilaboð sem innihalda fyrirvara um að evrópska fagskírteinið feli ekki sér leyfi til að starfa innan starfsgreinarinnar í gístiaðildarríkinu.

II. KAFLI

MÁLSMEDFERÐ VIÐ MEDFERÐ VIÐVARANA*23. gr.***Yfirvöld sem koma að notkun viðvörunarkerfisins**

1. Aðildarríkin skulu tilnefna lögbær yfirvöld sem skulu annast meðferð viðvarana sem sendar eru út og sem berast skv. 1. eða 3. mgr. 56. gr. a í tilskipun 2005/36/EB.
2. Til að tryggja að einungis viðkomandi lögbær yfirvöld annist meðferð viðvarana sem berast skal sérhvert aðildarríki fela einu eða fleiri lögbærum yfirvöldum samræmingu viðvarana sem berast. Þessi lögbæru yfirvöld skulu tryggja að viðvaranir séu sendar viðeigandi lögbærum yfirvöldum án ótilhlýðilegrar tafar.
3. Aðildarríkin geta falið einu eða fleiri lögbærum yfirvöldum samræmingu viðvarana sem sendar eru út.

*24. gr.***Upplýsingar sem viðvörun skal innihalda**

1. Viðvaranir skulu innihalda þær upplýsingar sem fram koma í 2. eða 3. mgr. 56. gr. a í tilskipun 2005/36/EB.
2. Aðeins lögbær yfirvöld, sem falin er meðferð viðvörunar í samræmi við 1. eða 3. mgr. 56. gr. a í tilskipun 2005/36/EB, skulu hafa aðgang að upplýsingunum sem um getur í 1. mgr. þessarar greinar.

3. Lögbær yfirvöld, sem falin er samræming viðvarana sem berast, skulu einungis hafa aðgang að gögnunum sem um getur í b- og d-lið 2. mgr. 56. gr. a í tilskipun 2005/36/EB nema þeim hafi einnig í kjölfarið verið falin viðvörðunin sem yfirvaldi sem annast meðferð viðvarana sem berast.

4. Þurfi lögbært yfirvald, sem annast meðferð viðvarana sem berast, frekari upplýsinga við en þeirra sem um getur í 2. eða 3. mgr. 56. gr. a í tilskipun 2005/36/EB skal það nota aðgerðina fyrir upplýsingabeidnir í IMI-kerfinu, eins og kveðið er á um í 2. mgr. a í 56. gr. tilskipunar 2005/36/EB.

25. gr.

Viðvörðun viðvíkjandi handhafa evrópsks fagskírteinis

1. Þegar send er út viðvörðun viðvíkjandi handhafa evrópsks fagskírteinis skulu lögbæru yfirvöldin, sem önnuðust meðferð umsóknarinnar um evrópska fagskírteinið í samræmi við 1. mgr. 2. gr. þessarar reglugerðar, sjá til þess, skv. 1. mgr. 4. gr. e í tilskipun 2005/36/EB, að samsvarandi skrá í IMI-kerfinu sé uppfærð með upplýsingunum sem viðvörðunin inniheldur, þ.m.t. um hvers konar afleiðingar varðandi ástundun atvinnustarfseminnar.

2. Til að tryggja að uppfærslur skráa í IMI-kerfinu fari fram tímanlega skulu aðildarríkin veita lögbærum yfirvöldum, sem bera ábyrgð á meðferð umsókna um evrópsk fagskírteini skv. 1. mgr. 2. gr., aðgang að viðvörðunum sem berast.

3. Tilkynna ber handhafa evrópsks fagskírteinis um uppfærslur, eins og um getur í 1. mgr. þessarar greinar, í gegnum vefgáttina sem um getur í 1. mgr. 4. gr. b í tilskipun 2005/36/EB eða með öðrum hætti ef um er að ræða skriflega umsókn skv. 8. gr.

26. gr.

Aðgangur að viðvörðunum í IMI-kerfinu

IMI-kerfið skal bjóða upp á þann möguleika að lögbær yfirvöld, sem annast meðferð viðvarana sem berast eða sem sendar eru út, geti skoðað sérhverja viðvörðun, sem þau sendu eða tóku við í upplýsingakerfinu, sé lúkningarferlið, sem um getur í 28. gr., ekki hafið.

27. gr.

Aðgerðir fyrir viðvaranir í IMI-kerfinu

Í IMI-kerfinu skal gert ráð fyrir eftirfarandi aðgerðum fyrir lögbær yfirvöld sem tilnefnd eru til að annast meðferð viðvarana sem berast og sendar eru út:

- a) sendingu viðvarana, eins og um getur í 1., 2. og 3. mgr. 56. gr. a í tilskipun 2005/36/EB,
- b) afturköllun viðvarana sem sendar hafa verið á grundvelli ákvörðunar sem síðar hefur verið afnumin eða ógild,
- c) leiðréttingu upplýsinga í viðvörðunum og breyting viðvarana,
- d) lúkningu og eyðingu viðvarana eins og um getur í 5. og 7. mgr. 56. gr. a í tilskipun 2005/36/EB.

28. gr.

Lúkning, eyðing og breyting viðvarana

1. Gögn vegna viðvarana má vinna í IMI-kerfinu svo lengi sem þau eru gild, þ.m.t. uns lúkningarferlinu, sem um getur í 7. mgr. 56. gr. a í tilskipun 2005/36/EB, lýkur.

2. Þegar viðvörðun er ekki lengur í gildi vegna þess að viðurlög eru fallin úr gildi, í tilvikum sem ekki falla undir 5. mgr. þessarar greinar, skal lögbæra yfirvaldið, sem sendi viðvörðunina, eins og kveðið er á um í 1. mgr. 56. gr. a í tilskipun 2005/36/EB, breyta innihaldi hennar eða ljúka henni innan þriggja daga frá samþykkt viðkomandi ákvörðunar eða frá viðtöku viðeigandi upplýsinga ef þess er ekki krafist í landslögum að slík ákvörðun sé tekin. Tilkynna skal lögbæru yfirvöldunum, sem önnuðust meðferð viðvörðunarinnar sem barst, og viðkomandi fagmanni þegar í stað um hvers kyns breytingar varðandi viðvörðunina.
3. IMI-kerfið skal senda lögbæru yfirvöldunum, sem önnuðust útsendingu viðvörðunarinnar, reglulegar áminningar um að sannreyna hvort upplýsingarnar í henni séu enn í gildi.
4. Ef tekin er ákvörðun um afturköllun skal lögbæra yfirvaldið, sem sendi viðvörðunina í upphafi, ljúka henni tafarlaust og eyða persónuupplýsingum úr IMI-kerfinu innan þriggja daga eins og kveðið er á um í 7. mgr. 56. gr. a í tilskipun 2005/36/EB.
5. Ef viðurlög hafa fallið úr gildi á þeim degi, sem tilgreindur er í 5. mgr. 56. gr. a í tilskipun 2005/36/EB, skal IMI-kerfið þegar í stað ljúka viðvörðuninni sjálfkrafa og skal persónuupplýsingum eytt úr kerfinu innan þriggja daga eins og kveðið er á um í 7. mgr. 56. gr. a í tilskipun 2005/36/EB.

III. KAFLI

LOKAÁKVÆÐI

29. gr.

Gildistaka og dagurinn þegar reglugerðin kemur til framkvæmda

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 18. janúar 2016.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 24. júní 2015.

Fyrir hönd framkvæmdastjórnarinnar,

Jean-Claude JUNCKER

forseti.

*I. VIÐAUKI***Starfsgreinar sem fengið geta evrópskt fagskírteini**

1. Hjúkrunarfræðingar í almennri hjúkrun
 2. Lyfjafræðingar (grunnám)
 3. Sjúkraþjálfarar
 4. Fjallaleiðsögumenn
 5. Fasteignasalar.
-

II. VIÐAUKI

Skjöl sem krafist er vegna útgáfu evrópsks fagskírteinis

A. VIÐURKENNING Á MENNTUN OG HÆFI ÞEGAR UM ER AÐ RÆÐA STAÐFESTU

1. Sjálfkrafa viðurkenning (III. kafli III. bóls tilskipunar 2005/36/EB)

Farið er fram á eftirtalin skjöl vegna útgáfu evrópsks fagskírteinis samkvæmt þessu fyrirkomulagi:

- a) sönnun á ríkisfangi umsækjanda (kennivottorð eða vegabréf eða aðra viðurkennda sönnun samkvæmt landsákvæðum heimaáðildarríkis); og skjal sem vottar fæðingarstað umsækjanda, sé hann ekki tilgreindur í staðfestingu á ríkisfangi; og fyrir ríkisborgara landa utan EES, skjal sem sannar að ríkisborgari þriðja lands geti nýtt sér þau réttindi sem kveðið er á um í tilskipun 2005/36/EB samkvæmt viðkomandi lögum ESB, t.d. tilskipun Evrópuþingsins og ráðsins 2004/38/EB ⁽¹⁾, tilskipun ráðsins 2003/109/EB ⁽²⁾, tilskipun ráðsins 2004/83/EB ⁽³⁾ eða tilskipun ráðsins 2009/50/EB ⁽⁴⁾,
- b) vitnisburð um formlega menntun og hæfi og, eftir því sem við á, vottorð sem fylgir vitnisburði um formlega menntun og hæfi,
- c) eitt eftirtalinna vottorða, eftir starfsgrein og stöðu umsækjanda:
 - i. samræmisvottorðið, sem um getur í 2. lið VII. viðauka tilskipunar 2005/36/EB, þegar vitnisburður um formlega menntun og hæfi uppfyllir skilyrði um tilskilda menntun,
 - ii. vottorð um breytingu á starfsheiti, sem um getur í 6. mgr. 23. gr. tilskipunar 2005/36/EB, þegar starfsheiti á vitnisburði um formlega menntun og hæfi svarar ekki til starfsheita sem skráð eru í liðum 5.2.2 eða 5.6.2 í V. viðauka við tilskipun 2005/36/EB en vitnisburðurinn uppfyllir engu að síður skilyrði um tilskilda menntun,
 - iii. vottorð um áunnin réttindi, sem um getur í 23., 33. eða 33. gr. a í tilskipun 2005/36/EB, sem vottar að handhafi vitnisburðar um menntun og hæfi hafi í reynd og með lögmætum hætti stundað umrædda starfsemi í a.m.k. tilskilinn lágmarkstíma og sem vottar að sértækum kröfum þessara greina sé fullnægt, ef nám hófst fyrir viðmiðunardagsetningarnar sem mælt er fyrir um í liðum 5.2.2 eða 5.6.2 í V. viðauka við tilskipun 2005/36/EB og vitnisburður um formlega menntun og hæfi uppfyllir ekki öll skilyrði um tilskilda menntun,
- d) skjöl sem krafist er í samræmi við d- til g-lið 1. liðar VII. viðauka við tilskipun 2005/36/EB.

2. Almenna kerfið til viðurkenningar (I. kafli III. bóls tilskipunar 2005/36/EB)

Farið er fram á eftirtalin skjöl vegna útgáfu evrópsks fagskírteinis samkvæmt þessu fyrirkomulagi:

- a) sönnun á ríkisfangi og önnur skjöl sem um getur í a-lið 1. liðar,
- b) vottorð um starfshæfni eða vitnisburð um formlega menntun og hæfi, eftir því sem við á og vitnisburð skv. 12. gr. tilskipunar 2005/36/EB, þar sem við á,
- c) skjöl sem veita viðbótarupplýsingar um námið og varða lengd námsins í heild, námsgreinar sem lögð var stund á og í hvaða mæli og, þar sem við á, hlutfallið milli fræðilegs og verklegs hluta,

⁽¹⁾ Tilskipun Evrópuþingsins og ráðsins 2004/38/EB frá 29. apríl 2004 um rétt borgara Sambandsins og aðstandenda þeirra til frjálsrar farar og dvalar á yfirráðasvæði aðildarríkjanna, um breytingu á reglugerð (EBE) nr. 1612/68 og niðurfellingu tilskipana 64/221/EBE, 68/360/EBE, 72/194/EBE, 73/148/EBE, 75/34/EBE, 75/35/EBE, 90/364/EBE, 90/365/EBE og 93/96/EBE (texti sem varðar EES) (Stjtið. ESB L 158, 30.4.2004, bls. 77–123).

⁽²⁾ Tilskipun ráðsins 2003/109/EB frá 25. nóvember 2003 um ríkisborgara þriðju landa sem hafa stöðu einstaklinga með fasta búsetu (Stjtið. ESB L 16, 23.1.2004, bls. 44–53).

⁽³⁾ Tilskipun ráðsins 2004/83/EB frá 29. apríl 2004 um lágmarkskröfur sem ríkisborgarar þriðju landa eða ríkisfangslausir einstaklingar þurfa að uppfylla til að teljast flóttamenn eða einstaklingar, sem af öðrum ástæðum þurfa alþjóðlega vernd, og um réttarstöðu þeirra og um efni þeirrar verndar sem er veitt (Stjtið. ESB L 304, 30.9.2004, bls. 12–23).

⁽⁴⁾ Tilskipun ráðsins 2009/50/EB frá 25. maí 2009 um skilyrði fyrir komu og dvöl ríkisborgara þriðju landa til að gegna störfum sem krefjast mikillar sérþekkingar og hæfis (Stjtið. ESB L 155, 18.6.2009, bls. 17–29).

- d) eftirfarandi skjöl varðandi menntun og hæfi sem gætu brúað bilið þar sem verulegur munur er milli menntunar og hæfis og dregið úr hættu á uppbótarráðstöfunum:
- i. skjöl sem innihalda upplýsingar um stöðuga starfsþróun, málstofur, annars konar menntun og ævinám í samræmi við 5. mgr. 14. gr.,
 - ii. afrit af hvers konar sönnun á starfsreynslu, þar sem glöggt kemur fram hvers konar starfi umsækjandi gegndi,
- e) eftir því sem við á, sönnun á starfsreynslu sem um getur í fyrstu undirgrein 2. mgr. 13. gr. tilskipunar 2005/36/EB, að því tilskildu að glöggt komi fram í skjölunum um hvers konar starf var að ræða,
- f) að því er varðar farandfólk sem uppfyllir kröfur 3. mgr. 3. gr. tilskipunar 2005/36/EB, vottorð um þriggja ára starfsreynslu, sem gefið er út af lögbæru yfirvaldi aðildarríkisins sem viðurkenndi vitnisburð um menntun og hæfi frá þriðja landi skv. 2. mgr. 2. gr. tilskipunar 2005/36/EB, eða, ef lögbært yfirvald getur ekki vottað starfsreynslu umsækjanda, aðra sönnun á starfsreynslu þar sem glöggt kemur fram hvers konar starf um var að ræða,
- g) skjöl sem krafist er í samræmi við d- til g-lið 1. liðar VII. viðauka við tilskipun 2005/36/EB.

B. TÍMABUNDIN ÞJÓNUSTUSTARFSEMI (II. bólkur tilskipunar 2005/36/EB)

Farið er fram á eftirtalin skjöl þegar þjónusta er veitt í fyrsta sinn eða þegar um er að ræða mikilvægar breytingar á aðstæðum umsækjanda skv. 2. mgr. 7. gr. tilskipunar 2005/36/EB:

- a) sönnun á ríkisfangi og önnur skjöl sem um getur í a-lið 1. liðar í A-hluta,
- b) þegar um er að ræða þriðju undirgrein 2. mgr. 6. gr. þessarar reglugerðar, vottorð um lagalega staðfestu hans í heimaaðildarríkinu sem um getur í b-lið 2. mgr. 7. gr. tilskipunar 2005/36/EB,
- c) skjöl sem krafist er í samræmi við b-lið 2. mgr. 7. gr. varðandi rétt fagmanns til að starfa innan greinar og önnur skjöl sem krafist er í samræmi við c- til e-lið 2. mgr. 7. gr. tilskipunar 2005/36/EB,
- d) þegar gístiaðildarríki beitir forathugun á menntun og hæfi skv. 4. mgr. 7. gr. tilskipunar 2005/36/EB, skjöl með viðbótarupplýsingum um menntun sem um getur í c- og d-lið 2. liðar A-hluta þessa viðauka.